



EDITORIAL

Kinahanglan atuhan han kabatan-unan Pilipino an pasista nga rehimen US-Duterte ngan ig-insister an pagtapos ha imperyalista nga pandarabong ngan pandestroso

Mensahe han Partido Komunista ng Pilipinas para ha Kabataang Makabayan ha ika-55 nga anibersaryo hini ngan ha ika-156 nga anibersaryo han kaadlawan ni Andres Bonifacio.

Iginpapaabot han Partido Komunista ng Pilipinas (PKP) an mapaso nga pagbati ha pamunuan ngan kaapihan han Kabataang Makabayan (KM) ha okasyon han ika-55 nga anibersaryo han pagkatukod hini. Yana giha-pon an ika-156 nga anibersaryo han kaadlawan han Pilipino nga bayani han klase nga trabahador nga hi Andres Bonifacio.

An Kabataang Makabayan nagpatuman hin importante nga papel ha magkalain-lain nga balitang han rebolusyunaryo nga kasaysayan han nasud ha sakob han masobra lima kadekada. Ginpamatud-an gud han KM nga usa ini ha pinakamala-lauman nga kabakyang han Partido ha paglalansar han demokratiko nga rebolusyon han katawhan ha nasud.

Nagin kabakyang han Partido an Kabataang Makabayan ha temprano

nga balitang han Marxista-Leninista nga pakigsumpaki ha ideolohiya, pagtul-id, pagtukod han organisasyon, pagpropaganda ngan pagpagios ha masa ngan pagtukod han Bagong Hukbong Bayan (BHB). Ginbuligan hini an pagtukod han Partido ha bug-os nga nasud ngan pagpasamwak han gerra han katawhan ha bug-os nga kamurupud-an. Nagpatuman ini hin importante nga papel ha sikreto nga propaganda ngan pag-oorganisa ha ranggo han

kabatan-unan ngan trabahador ha panahon han balaud militar ni Marcos nga ha dayuday magpaparayhak ha ligal nga kagiusan protesta hadton dekada 1970. Nanalinguha ini ha rebolusyonaryo nga sikreto nga kagiusan komo usa ha madig-on nga kaapi han National Democratic Front (NDF) kun diin gintaglawas hini an kabatan-unan nga Pilipino ngan an ira ungara para ha nasyunal-demokratiko nga pagbabag-o.

An kabatan-unan nga aktibista ngan intelektwal nga kaapihan hini an nagserbe nga hilarum nga burabod agud magpahiaran han mga re-

"Kabatan-unan...", sundan ha paypay 2

"Kabatan-unan...", *tikang ha paypay 1*

bolusyunaryo nga kadre nga proletaryado ngan ha pagrerekluta han mga kaapi han Partido. Ha mga nakalabay nga tuig, an mga kadre nga nagtikang ha ranggo han KM naidisponer ha magkalain-lain nga prente han rebolusyunaryo nga buruhaton. Labaw ha ngatanan, damo nga intelektwal ngan trabahador nga aktibista nga kaapi na yana han BHB ngan nagseserbe komo pampulitika nga upisyal ngan mga kumander, kabakyang an mga Pula nga mangaraway ngan mga kadre tikang ha mga parag-uma ngan masa nga minoriya.

Iginkukunsidera han Partido an KM komo importante nga kabakyang hini ha buruhaton han pagpupukaw, pag-oorganisa ngan pagpagios ha katawhan Pilipino. Ilarum han butad nga pasista nga tiraniya ngan terorismo han estado han rehimen US-Duterte, gintatawagan ini yana nga magserbe komo rebolusyunaryo nga rubas han demokrati-ko nga pag-ato han katawhan.

Ginkikinahanglan nga singabuton han Kabataang Makabayan an nalutaw nga oportunidad tikang ha madagmit nga paggrabe han kundisyon han nasud nga nalandaw

ha kawaray hin edukasyon, hiluagan nga kawaray hin pakabuhi ha ranggo han kabatan-unan, kawaray hin paglaum ngan pagdarusdos han kultura. Kinahanglan hini pukawon an narunapulo kayukot nga kabatan-unan nga Pilipino.

Kinahanglan magpursige an KM nga dad-on an nasyunal-demokrati-ko nga propaganda ha ranggo han kabatan-unan nga intelektwal ngan masa nga anakbalhas. Dapat hini gision an pasista nga kabuwaon han rehimen Duterte ngan ibuksas an imperyalismo, pyudalismo, burukrata-kapitalismo komo bataan nga mga problema nga nagpapakuri ha katawhan Pilipino. Kinahanglan hini igtutdo an padayon nga panginahanglan han paglalansar han rebolusyunaryo nga armado nga pakig-away agud tapuson an atrasado, matalumpiguson ngan matiyupion nga bagakolonyal ngan bagapyudal nga katilingban.

Kadungan nga gintukod an KM ha kaadlawan ni Andres Bonifacio nga madinaugon nga namuno ha katawhan Pilipino ha paglalansar han armado nga rebolusyon kontra ha kolonyalismo nga Espanyol. Ginhimo ini agud tagan-duon an patriyotiko nga unod han nasyunal-de-

mokratiko nga programa, nga amo an nagpapabilin nga yawe ha pakig-away han katawhan Pilipino para ha nasyunal ngan pankatilingban nga katalwasan.

Ginkikinahanglan nga igpadayon han Kabataang Makabayan an kontra-imperyalista nga propaganda ngan labaw pa nga palarabon an pagigin makanasud han kabatan-unan nga Pilipino. Sugad kan Bonifacio, kinahanglan tumindog an presente nga henerasyon han mga kabatan-unan nga Pilipino ha unhan han pag-iinsister han katawhan Pilipino para ha tinuod nga nasyunal nga katalwasan.

Ginkikinahanglan nga ibuksas han Kabataan Makabayan an sumpayay han dagko nga langyaw nga kapitalista nga interes ngan an kamadarahug han pasista nga rehimen Duterte ngan kampanya nga panmuypoy. Kinahanglan ibuksas an mga higante nga kompaniya ha pagmimina, plantasyon, enerhiya, turismo ngan iba pa nga proyekto nga pan-imprastruktura, bisan an dagko nga langyaw nga mga bangko nga nangangapital ngan nagpupulos ha paghahadi nga teror ni Duterte. Kinahanglan ibuksas kun tiunan-o ginlulupot han dagko nga langyaw nga korporasyon ngan dagko nga agaron maytuna an mga agrikultural nga katunaan han mga parag-uma ngan ansestral nga katunaan. Kinahanglan ibuksas hini an mapan-uwat nga reporma ha tuna ni Duterte nga waray iba nga tuyo kundi padagmiton an panlupot ha tuna han mga parag-uma.

Kaangayan nga pag-urusahon han KM an katawhan ngan pagiuson hira agud ipanawagan an pagpahunong ha pandarabong ha nasyunal nga patrimoniya ngan ha naturalisa, an pandestroso ha kabukiran, mga salog ngan dagat. Kinahanglan makig-usa hira ha hiluag nga masa agud ipahunong an dagko nga operasyon ha pagmimina, plantasyon ngan puno hin kurapsyon nga mga proyekto nga imprastrukturura. Kinahanglan ibuksas an militar nga panginginlabot han US ngan ira presensya ngan kun tiunan-o hini igindidireher an AFP ngan PNP ha kontra-insurhensiya nga operasyon agud puypuyon an patriyotiko ngan demokratiko nga pwersa ha nasud.

"Kabatan-unan...", *sundan ha paypay 3*

 <p>Bolyum L Ihap 23 Disyembre 7, 2019</p> <p>Igin-gagawas an <i>Ang Bayan</i> ha yinaknan nga Pilipino, Bisaya, Iloko, Hiligaynon, Waray ngan Ingles.</p> <p>Nakarawat an <i>Ang Bayan</i> han mga kontribusyon ha porma han mga artikulo ngan balita. Gin-aaghat liwat an mga mambarasa nga magpaabot han mga suson ngan rekomendasyon ha ikauuswag han aton mantalaan.</p> <p> instagram.com/prwcnewsroom</p> <p> @prwc_info</p> <p> cppinformationbureau@gmail.com</p>	<h2 style="text-align: center;">Gin-uunod</h2> <p>Editorial: Kinahanglan atuhan han kabatan-unan Pilipino an pasista nga rehimen US-Duterte ngan ig-insister an pagtapos ha imperyalista nga panlimbong ngan kamadarahug! 1</p> <p>Pasista nga batalyon, gin-ambus ha Abra 1</p> <p>KM: Pagselebrar ngan pagbaton ha ayat 3</p> <p>Kaadlawan ni Bonifacio, ginhinumdom 4</p> <p>Asembleya han sanga ha Panay 5</p> <p>Bumaton ha epekto han kalamidad 5</p> <p>Mga parag-uma, ginpatay ha Butuan 6</p> <p>Usa katuig han panmatay ngan paglanat 7</p> <p><i>Hors de combat</i>, ginpatay 7</p> <p>Ukoy-pasada ha Bicol, madinaugon 7</p> <p>Resolusyon kontra ha pribatisasyon 7</p> <p>Buhian hi Ka Diego Padilla! 8</p> <p>Mga priso pulitikal, ibabalhin 8</p>
<p style="text-align: center;">An <i>Ang Bayan</i> igin-gagawas duha kabeses kada bulan han Komite Sentral han Partido Komunista ng Pilipinas</p>	

Kinahanglan nga dugang pa nga pakusgon han Kabataang Makabayan ngan han kagiusan estudyante ngan kabataan-unan an nasyunal-demokratiko nga kagiusan propaganda. Kinahanglan planuhon an pagpapadamo han narunapulo kayukot an mantalaan han Partido nga *Ang Bayan*, ngan an kalugaringon hini nga dyaryo nga *Kalayaan* ngan ma-distribwer ha pinakadamo nga posible nga ihap han katawhan ha mga kampus, pabrika, mga komunidad ha kasyudaran ngan ha kabaryuhan. An Kabataang Makabayan ngan mga tsapter hini kinahanglan regular nga magpagawas hin mga pahayag han mga magpaso nga nasyunal ngan lokal nga isyu ngan ig-imprensa ini ngan igdistribwer ha masa. Kinahanglan pangunahan han KM an yukut-yukot nga mga grupo nga talakayan ngan miting nga pag-aram, ngaduha ha ligal ngan sikreto nga mga pamaagi. Kinahanglan ma-institusyunalisa an magkalain-lain nga porma han pan-masa nga propaganda nga maka-kaabot ha masa sugad han mga *film showing*, mga mobayl nga mga pankultura nga pasundayag ngan

iba pa.

Kinahanglan dirudiretso nga buligan han mga aktibista hini an pagpaparayhak han nasyunal-demokratiko nga kagiusan pankultura pinaagi han paghimo hin mga luwa, kanta, pagpasundayag ha kakalsadahan, paghimo hin mga bidyo ngan iba pa. Kinahanglan gamiton han mga aktibista han KM an *social media* agud maipasamwak an nasyunal-demokratiko nga linya samtang ginpapakig-awayan an delikado nga ultrademokratiko nga butong hini nga nagpapasamwak han indibidwalismo ngan disorganisasyon.

Kinahanglan mag-aram an mga aktibista ngan kadre han KM, ig-undong ngan santupon an Marxismo-Leninismo-Maoismo ngan igsapraktika ngan pauswagon pa ini ha magkalain-lain nga natad han rebolusyunaryo nga buruhaton nga naaabot hini, kaupod na hini an pankatilingban nga pag-iimbistiga ha ranggo han masa. Kinahanglan ig-imprensa ngan maipasamwak an mga pag-aram komo aragian han Marxismo-Leninismo. Kinahanglan liwat nira nga maaghat an mga iskolar nga ihaum an Marxismo-Leninismo ha kada ira natad nga akade-

miko komo pakig-away ha burges ngan petiburges nga repormista nga impluwensiya ha ideolohiya ha tabuh han postmodernismo ngan iba pa.

Ha bug-os nga kalibutan, utro nga ginpamatud-an han kabataan-unan nga hira an higante nga pwersa han progresibo ngan demokratiko nga pagbabag-o ha pagpartisipar hin dako nira nga ihap kontra ha magtiyupion nga mga palisiya nga neoliberal ngan anomaliya ha guberno nga nagpapagrabe ha makuri nga kamutangan han katawhan.

Ha Pilipinas, kun diin madagmit nga nagtitikagrabe an kamutangan ilarum han rehimen US-Duterte, panawagan ha mga rebolusyunaryo nga aktibista nga pahitas-on an militansya han kabataan-unan nga Pilipino ngan makipag-urusa hira ha masa ngadto ha makusog nga pwersa para ha pankatilingban nga rebolusyon.

Tapuson an pasista nga rehimen US-Duterte!

Tapuson an imperyalista nga panlimbong ngan pandestroso!

Ipasulong an nasyunal-demokratiko nga rebolusyon!

AB

Pasista nga batalyon, gin-ambus ha Abra

Gin-ambus han mga Pula nga mangaraway han Bagong Hukbong Bayan (BHB)-Abra an mga sundalo han 24th IB nga nag-ooperasyon ha kabukiran han Tubo, Abra hadton Disyembre 1, alas-4 han kulop. Usa nga sundalo an nasamaran ha opensiba.

Berdugo nga mga parupanalapas han katungod pantawo an 24th IB. An mga sundalo hini an prinsipal nga tagasunod ni Jovito Palparan han paglasurbo han Oplan Bantay Laya hadto ha Central Luzon.

Hadton 2006, ginsikmit han 24th IB an mga aktibista nga hira Sherlyn Cadapan, Karen Empexxxxo ngan Manuel Merino ha Hagonoy, Bulacan. Ha kampo han batalyon ha Limay, Bataan ginpatay hi Merino ngan didto liwat urhi nga nakita hira Cadapan ngan Empeno. Hito gi-hapon nga panahon, duha nga parag-uma an ginpatay han nag-ooperasyon nga mga sundalo ha suspet-sa nga tagasuporta hira han BHB.

Nagpadayon an mga pangabuso han 24th IB han maibalhin ha Abra.

Hadton 2017, ginbombahan han batalyon an mga komunidad ha Malibcong. Nagresulta ini han pagkawakay han mga umhanan ngan piniritay nga piniritay nga pag-ebakwet han mga residente. Nagkampo liwat an mga sundalo ha mga eskoylahan ngan kabablayan, igindiri an pagsulod han pagkaon, ngan nagdara hin kabaraka ha mga residente. Damo liwat an kaso han 24th IB han piniritay nga pagpasurender, iligal nga pangaresto ngan pagtahap ha mga aktibista komo "tagasuporta han BHB."

Ha Negros Occidental, nahia-gum hin pito nga samaran an 62nd IB kahuman hira makaengkwentro han mga Pula nga mangaraway hadton Nobyembre 22 ha Barangay Cansalungon, Isabela. Nahitabo an

agway dapit alas-4 han kulop. Ginharas liwat han usa pa nga yunit han BHB-Negros an kampo han CAFGU Active Auxillary ha Barangay Balogo, Guihulngan City, Negros Oriental dida han Nobyembre 30, alas-9 han gab-i.

Ha Northern Samar, usa nga sundalo han 20th IB an napatay ha operasyon haras han BHB ha Barangay San Francisco, Las Navas. Pira kasemana na nga gingagalugad han 20th IB an kabaryuhan han Las Navas.

Ha Bohol, duha nga tawuhan han 47th IB an samaran kahuman hira pabuthan han BHB-Bohol hadton Oktubre 24 ha Barangay Rizal, Bilar. Nahitabo an agway dapit alas-11:40 han aga.

Sigon kan Ka Jose Ignacio han National Democratic Front-Bohol, ginpapanhimuwa han nasering nga agway an buaw nga pahayag han AFP-PNP nga waray na kuno insurhensiya ha prubinsya.

AB

KM ha ika-55 katuig: Pagselebrar ngan pagbaton ha ayat

Ha butnga han pakig-away kontra ha grabe nga pasismo, kakurian ngan kawaray katalwasan ilarum han rehimen US-Duterte, ginselebrar han Kabataang Makabayan (KM) an ika-55 katuig han pagkakatukod hadton Nobyembre 30. Ginhandum gihapon hito nga adlaw an ika-156 katuig han kaadlawan ni Andres Bonifacio.

Nagpagawas hin pahayag an KM nga nananawagan ha kaapihan hini nga papintason an pakig-away kontra ha pakuri, pasista ngan niyutiyo nga rehimen Duterte, ngan ipasulong an demokratiko nga rebolusyon han katawhan tubtub ha hul-os nga kadaugan.

Ginhatagan-duon han KM an pag-api ha pakig-away han masa nga trabahador ngan parag-uma ngan pagpasulong han ira demokratico nga mga ungara. Kaupod dinhi an pag-ato han Balaud ha Liberalisasyon han Bugas, kontraktwalisasyon, deregulasyon han suhol, programa nga K-12 ngan iba pa.

Labot hini, iginplastar liwat an mga importante nga responsibilidad. Nangunguna dinhi an pagpakayas ha *de facto* nga balaud militar ni Rodrigo Duterte. Kinahanglan liwat magpakabatid an mga rebolusyunaryo nga kabatan-unan ha teorya han MLM ngan maningkamot nga isapraktika ini ha pagpapasulong han rebolusyon. Kinahanglan liwat nga dirudiretso ngan agresibo nga pagrekluta ha mga unibersidad, komunidad, pabrika, umhanan ngan iba pa. Kinahanglan nga pangunahan han KM an programado nga pag-api han mga aktibista ngan kadre ha kabaryuhan para ha rebolusyon agraryo ngan armado nga pakig-away.

Ha diwa han pagserbe han katawhan, bug-os an desisyon han KM ngan sumakob ha rebolusyon ngan ungbawan an mga sakripisyo, tipa-tipa ngan pagruhaduha para ha kabuwason han nasud.

Nagpahayag gihapon hin pakig-urusa an iba-iba nga tsapter han KM ngan kumand han BHB. Ginsukna han KM-NCR an kamangirhat han Oplan Kapanatagan ngan an pagpapabundat han mga burukrata ngan upisyal han reaksyunaryo nga gubyrno. Hadton Nobyembre 29, naglansar hin usa nga rali nga pakilat ha Recto Avenue, Manila an mga kaapi han KM-NCR.

Rali nga pakilat liwat an iginkansa han KM-Southern Tagalog komo pakikig-usa ha anibersaryo. Ginhi-mo an aksyon hadton Disyembre 6 ha UP Los Baxxxxos.

Usa nga abre nga surat naman para ha mga kag-anak an iginpagawas han KM-Bicol. Ginsaludaran han KM an pagsuporta han mga kag-anak agud maghurma han mga kabatan-unan nga waray ruhaduha nga nahigugma ha nasud. Ginkilala naman han KM-Sorsogon an nalalain nga papel han kabataan ha pagbabandilyo han mga isyu nga pan nasud.

Ha Negros, nakig-usa liwat an kumand han BHB ha isla ngan nanawagan ha kabatan-unan nga igpadayon an rebolusyon nga gintikangan ni Bonifacio. Nagpagawas gihapon hin pahayag hin pakig-usa an BHB-North Negros.

Ha gapil naman han NDF-Eastern Visayas, gin-ayat hini an kabatan-unan magkaurusa kontra kan Duterte, magsugbong han mga rebolusyunaryo nga buruhaton ngan pumartisipar ha paghimo han kaysaysayan.

Ika-156 nga kaadlawan ni Andres Bonifacio, ginhandum

NAGMARTSA AN GATUS-GATOS nga aktibista tikang ha Liwasang Bonifacio ngadto ha Mendiola ha Manila agud ighandum an ika-156 nga kaadlawan ni Andres Bonifacio. Pinangunahan han Anakbayan ngan Kilusang Mayo Uno (KMU) an protesta dara-dara an panawagan nga "Atuhan an mga neoliberal nga atake ha mga trabahador ngan katawhan." Hugot nga ginkundenar han mga progresibo nga grupo an pagpatok han US han diri-pantay nga pan-ekonomiya nga palisiya ngan an pangginginlabot han China ha teritoryo han nasud.

Sigon kan Elmer Labog, tagapangulo han KMU, agud magin tinuod nga talwas an mga trabahador nga Pilipino, kinahanglan magin talwas hira ha paniniyupi. Sering niya, kaangayan nga igpadayon an pag-ato ha kontraktwalisasyon, diri makatadungan nga suhol, nagtitikagrabe nga kawaray hin trabaho ngan kakurian ilarum han rehimen Duterte.

Nagsaad naman an mga kabatan-unan nga hahatagan-kinabuhi an diwa ni Bonifacio pinaagi han pagpapadayon han pag-ato para ha hul-os nga katalwasan han nasud.

Antes magkatitirok ha Liwasang Bonifacio, nagkamayda bulag nga protesta an magkalain-lain nga grupo ha atubangan han mga embahada han US ngan China.

Ha Pampanga, nagmartsa an mga Aeta ha pangunguna han Central Luzon Aeta Association ngadto ha Bayanihan Park ha Angeles City. Ginkundenar nira an pagpapalayas ha yukot-yukot nga mga katutubo agud hatagandalan an konstruksyon han New Clark City kun diin nakatalaan nga himuon an mga uyag ha SEA Games. Ginsukna liwat han grupo an kurapsyon ni Duterte ngan iya mga alipures, ngan an gutiay nga suporta ha mga atleta nga Pilipino.

Nagkamayda liwat han mga protesta ha Laguna, Negros ngan Davao.



Asembleya han pinakasyahan nga sanga han Partido ha Panay

Naglansar hin asembleya hadton Oktubre 17-18 an pinakasyahan nga sanga han Partido ha Panay. Gintukod an sanga han tuig 1973 tikang han utro tukuron an Partido Komunista han Pilipinas. Kwarenta y sais katuig na nga ginpapamunuan han sanga an masa ha ira baryo ngan nag-uundong ha armado nga pakig-away ha rehiyon.

Iginplastar nga tema han asembleya an "Butkon an pagkaurusa han mga kaapi han sanga han Partido agud pamunuan an masa. Maisog nga atuhan an Oplan Kpanatagan." Tuyo hini nga pahugton pa an pagkaurusa han mga kaapi ngan utro nga parayhakon an pamumuno hini ha katawhan han nasering nga baryo.

Ha hilaba nga panahon, umagi an sanga ha mga brutal nga kampanya han panmuypoy han mga inagi nga rehimen labina ha panahon han diktadura nga US-Marcos. Hini nga panahon, naghalad han ira kinabuhi an pira ha mga una nga kaapi han sanga, ngan napiritan liwat

mag-ebakwet an mga taghimaryo. Umagi gihapon an sanga ha mga pakigbisog ha pagdepensa ha ira aneutral nga tuna, pag-ungbaw ha mga kalamidad ngan iba pa nga problema. Ha luyo hini, nagpabilin nga tangkod an mga kaapi ngan gindepensahan an interes han Partido ngan nagpadayon ha pagsuporta ha Bagong Hukbong Bayan.

Umabot ha duha-katulo an kaapihan han sanga nga tumabong ha asembleya. Ginpapamatud-an hini nga pakyas an nagpopostura nga diktador nga hi Duterte nga mag-sabrag hin kahadlok ha ranggo han Partido. Ginsuma nira an

kasaysayan han sanga ngan nagerbe nga inspirasyon ha mga bag-o nga kaapi ngan kabatan-unan nga membro han Partido an mga eksperyensya ngan kadaugan hini. Pumurot gihapon hira han mga importante nga leksyon tikang ha ira mga ka-



"Asembleya...", sundan ha paypay 6

Magmobilisa agud bumaton ha epekto han kalamidad -PKP

Nanawagan an Partido Komunista ng Pilipinas (PKP) hadton Disyembre 3 ha ngatanan nga kumand ngan yunit han BHB ngan mga rebolusyunaryo nga panmasa nga organisasyon nga magin andam agud buligan an mga apektado han bagyo nga Tisoy.

"Poyde hira makigsumpayay ha mga lokal ngan internasyunal nga grupo nga naghahatag han ayuda agud hatagan han sadang nga bulig an mga biktima han kalamidad ngan agud utro nga tindugon an ira kabablayan ngan mga umhanan kahuman an bagyo," sigon ha PKP.

Nag-anunsyo an Bagong Hukbong Bayan (BHB)-Bicol han usa kasemana nga unilateral nga ukoy-bubto ha rehiyon agud maghatag dalan ha pagpapaabot han magkalain-lain nga porma han ayuda ha mga residente nga nadestroso han bagyo. Nagtikang an ukoy-bubto hadton Disyembre 6, alas-dose han

kaagahon ngan mahuhuman ha Disyembre 12, 2019, 11:59 han gab-i.

Ginmanduan liwat han BHB-Southern Tagalog an ngatanan nga yunit ilarum hini nga maglansar han operasyon nga relief ngan rehabilitasyon ha ira mga erya ngan bumulig ha pagtukod han mga naruba nga kabablayan ngan imprastruktura, sugad liwat an pag-ayad ha mga nahibang nga umhanan han mga parag-uma. Pahinumdom han BHB-ST, responsabilidad han rebolusyunaryo nga gubyerno nga seguruhon nga naaabot han bulig ngan suporta an ngatanan nga ginlasurbo ngan biktima ha rehiyon.

Ginpahinumduman naman han PKP an ngatanan nga yunit han BHB nga magin mabinantayon ha mga atake han AFP ha butnga han kalamidad. Ginseguro gihapon han BHB nga pagbabatunon an mga dagko nga kompaniya ha pagmimina, plantasyon, iligal nga pagtotroso ngan mapanhibang nga proyekto nga pan-enerhiya nga amo an nanhibang ha kalibungan.

Ha inisyal nga datos, mayda masobra 500,000 katawo nga apektado han bagyo nga Tisoy ha mga prubinsya han Luzon ngan Eastern Visayas. Gintatantiya nga diri mamenos ha P811 milyon an balor han pananum nga nahibang ha Bicol ngan Oriental Mindoro. Pinakagra-be nga ginlasurbo han bagyo an Mindoro, Bicol, ngan Northern Samar.

AB

Mag-asawa nga parag-uma, ginpatay ha Butuan

Ginpusil ngan ginpatay han mga elemento han Regional Mobile Force Battalion 13 an mag-asawa nga hira Rolando, 55, ngan Josephine Egtob, 56, ha ira umhanan ha Sityo San Roque, Barangay San Mateo, Butuan City hadton Disyembre 2, alas-3 han kulop. Mga aktibista an mag-asawa nga parag-uma nga kaapi han UMAN o Unyon sa mga Mag-uuma sa Agusan del Norte.

Kahuman an panmatay, ginpagawas ni PCapt. Emerson Alipit, tagapagayakan han Butuan City Police Office, ha interbyu ha iya ha radyo nga kaapi kuno an mag-asawa han Bagong Hukbong Bayan ngan napusil ha usa nga engkwentro. Mahugot ini nga ginpanhimuwa han mga anak han mga biktima. Sering nira, parag-uma an ira mga kag-anak ngan waray hira mga pusil. Ginpanhimuwa gihapon nira an gin-aalegar nga engkwentro nga nahitabo.

Gin-atentar nga pagpatay

Ha Surigao del Sur, ginpanmusil ngan gin-atentaran nga patayon han waray makilal-i nga mga kalalakin-an hi Gaudencio “Junjun” Paclawona, tagapangulo han Anakpawis Tandag City ngan konsehal han Barangay San Isidro hadton Disyembre 4. Tipauli na hadto hi Paclawona tikang ha nasering nga syudad han makit-an nga ginsusundan hiya hin upat nga kalalakin-an nga sakay hin duha nga motorsiklo. Nakaamkon hin bala ha paa an biktima ngan dayon gindara ha hospital.

Ha Negros Occidental, waray wantas nga ginpabuthan han mga tropa han 62nd IB an balay han parag-uma nga hi Cresincio Dilfen ha Sityo Pandan, Barangay Caradian, Himamaylan City hadton Nobyembre 24, alas-10 han gab-i. Nakada hadto ha sakob han balay hi Dilfen ngan iya mga anak. Ha pare-

ho nga adlaw, duha nga kabablayan liwat an ginrekisa han mga sundalo ha Sityo Tagmanok.

Iligal nga pag-aresto

Gin-aresto han mga elemento han Manila Police District an upat nga kaapi han Panday Sining kahuman han usa nga paggios ha Mendiola, Manila hadton Nobyembre 30. Usa ha mga gin-aresto menor de edad. Gindanas ngan ginkastigo han diri nakauniporme nga mga pulis an mga biktima tipagawas han dyip nga ira ginsasakyan.

Ha pareho nga adlaw, gindakop ngan ginkastigo han mga tropa han 94th IB hi Melchor Lembaga ngan iya ugangan dapit alas-4 han kaagahon ha Sityo Enatito, Barangay Bukalan, Canlaon City, Negros Oriental. Waray igpahibaro ha pamilya han mga biktima kun diin gindara hira Lembaga. Mahugot nga ginkundenar han Leonardo Panaligan Command han BHB an diri makatawo ngan iligal nga pag-aresto ha duha.

Ha Negros Occidental, gin-aresto han mga elemento han 62nd IB an mga residente han Sityo Maho-Paho, Barangay San Agustin, Isabela nga hira Maricar Estoya, Merencia Gaudia, Elizabeth Antrope, Jorgen Lizajo ngan Erlinda Garzola hadton Nobyembre 23. Ginakusaran hira nga dabi kuno ha usa nga reyd han BHB ha Barangay Tinongan.

Militarisasyon

Diri mamenos ha 150 nga elemento han 3rd Mechanized IB an sumakob ngan nagkampo ha komunidad han mga Aeta ha Sityo Bunga, Mt. Dueg ha San Clemente, Tarlac hadton Nobyembre 4. Nagpatuman hin blokeyo an mga sundalo ngan ginbibilngan hin dokumento ha pangilal-an han mga katutubo nga Aeta nga makadto unta ha ira mga umhanan. Adton waray maipakita pirit nga ginpapabalik ha baryo ngan gindidid-an nga mag-uma.

Pangigipit ngan pananarhug

Duha nga ahente han militar an sumulod ngan kumuha hin mga litrato ha kampus han eskoylahan nga Lumad nga Tribal Filipino Program of Surigao del Sur (TRIFPSS) ha Sityo Han-ayan, Diatagon, Lianga, Surigao del Sur hadton Nobyembre 12. Antes hini, hadton Oktubre 7, pareho nga insidente an nadabihan han lima nga sundalo han 3rd Special Forces Battalion (SFB) ha kampus han TRIFPSS ha Sityo Simowao ha pareho nga barangay.

Nakalista liwat hadton nakalabay nga bulan hin tig-usa nga kaso han pirit nga pagsulod ngan panrekisa ha mga kabablayan ha Taboso, Negros Occidental, ngan ha San Dionisio Iloilo.

Tig-usa nga insidente liwat an pangigipit ngan pananarhug an nairekord ha Butuan City, Quezon City, ngan ha Agoo ngan Balaoan, La Union ha pareho nga panahon.

AB

"Asembliya..., " tikang ha paypay 5

daugan ngan kaluyahan agud mas pa nga mapaupay an pamumuno ha masa. Usa ha mga landaw nga kadaugan hini an pagpapabilin nga solido han ira ranggo atubangan han madarahug nga panmuyopoy. Usa liwat an sanga ha may pinakadamo nga napasampa ha BHB tikang han 2008.

Ha presente, gin-aadman han

sanga an bag-o nga kontra-insurrensya nga programa nga Oplan Kapanatagan. Bug-os an desisyon han kaapihan nga atuhan an bisan ano nga atake han pasista nga rehimen US-Duterte. Naninindugan gihapon hira nga mag-amot ha panglinguha han katawhan nga Panayanon nga pakyason ini sugad han naglabay nga mga pasista nga rehi-

men. Nagtapos an asembliya han sanga dara an rayhak ngan kaandaman nga atubangan an mga bag-o nga panawagan ngan ayat han Partido – hugot nga pamunuan an masa ha pagrerebolusyon ngan pakusgon an armado nga pakig-away agud pabagsakon an reaksyunaryo nga gubyrno ni Duterte.

AB

MO 32: Usa katuig han panmatay ngan paglanat

Komo paghinumdom han usa katuig nga pagpatuman han Memorandum Order (MO) 32, nagprotesta an magkalain-lain nga sektor ha atubangan han upisina han Department of National Defense ha Quezon City hadton Nobyembre 22. Hugot nira nga ginkundena an padayon nga pagtalapas han AFP ngan PNP ha tawhanon nga katungod.

Ilarum han MO 32 ngan Executive Order 70 ni Duterte, nahitabo an pinakagrabe nga mga atake ha tawhanon nga katungod ha Samar, Negros ngan ha Bicol. Ginhatagan dalan han MO 32 an pagdugang han pwersa han pulisya ngan militar ha nasering nga mga prubinsya para kuno puyuyon an insurhensiya. Ha aktwal, prinsipal nira nga gintatarget an mga aktibista, tagapag-undang han tawhanon nga katungod ngan mga sibilyan.

Ha Negros, nahitabo an Oplan Sauron 1-3 nga nagresulta ha pagpatay ha diri mamenos ha 20 nga sibilyan ngan damo nga kaso han

iligal nga pangaresto.

Grabe nga kahadlok gihapon an igindurot han MO 32 ha isla han Samar. Ha rekord han Katungod Sini-rangan Bisayas, ha sakob la hin usa katuig tikang han igpatuman an kamanduan, may 34 nga kaso na han ekstrahudisyal nga panmatay an nailista ha Eastern Visayas. Hini nga ihap, 20 an parag-uma ngan an iba pa in mga upisyal han lokal nga guberno. Apektado han militarisasyon an may 500 nga barangay. Hini nga nakalabay nga bulan, igindadako han AFP an panmomba hini ha mga umhanan ngan kabablayan ha Sityo Corong, Barangay Caputoan,

Las Navas.

Ha Bicol, waray hunong nga naghihimo hin mga kabuwaon an 9th ID agud pagawson nga nagmamadinaugon an ira kampanya nga kontra-insurhensiya samtang iginbubursa an milyun-milyon nga pondo nga nakaalutaga para hini. Padayon liwat an panmatay ngan militarisasyon.

Gintatantiya nga may 30 nga batalyon han AFP ngan PNP an nakadeploy yana ha mga nasering nga rehion.

Nananawagan an magkalain-lain nga sektor nga magkaurusa agud atuhan ngan ibasura an MO 32 ngan EO 70.

Nagkamay-ada gihapon hin kapareho nga protesta ha Bicol, Negros ngan Panay.

AB

Pula nga mangaraway nga *hors de combat*, ginpatay

BRUTAL NGA GINPATAY han 60th IB hi Marjun Casal (Ka Hiker) hadton Nobyembre 27 ha Davao del Norte. Hi Ka Hiker usa nga Pula nga kumander han BHB-Southern Mindanao Region (SMR).

Tungod kay nagpapaupay tikang ha usa nga operasyon medikal, waray kapas nga umato (*hors de combat*) hi Ka Hiker han sikmiton hiya ha Tagum City hadton Nobyembre 13.

Pagkalabay han duha kasemana, nahiagian na la an iya patay nga lawas ha Barangay Kapatagan, Laak Compostela Valley hadton Nobyembre 27. Sigon ha mga kumuha ha patay nga lawas, nakit-an han mga panigamnan han tortyur ha liog an biktima.

Agud tahuban an pagtalapas hini ha balaud han gerra, ginpagawas han 60th IB nga napatay hi Ka Hiker ha usa nga engkwentro. Kabaliskaran ini ha testimoniya han mga residente nga nakakita han

komboy han 60th IB nga tipasakob ha ira lugar hito mismo nga adlaw ngan nakabati hin pagpapabuto hin mga pusil agud sidngon nga may engkwentro nga nahitabo.

Usa nga tim naman han mga sundalo an kumadto ha Purok Tadok han pareho nga barangay ngan iligal nga ginaresto hi Nilo Ostia ngan usa pa nga sibilyan. Ginakusaran hira nga mga kaapi han BHB ngan waray pa gihapon papagawsa.

Ginsaludaran han BHB-SMR an 18 katuig nga pagserbe ni Ka Hiker ha katawhan ngan rebolusyon. Tikang han umapi ha BHB, sumulong hiya ngan namuno ha mga yunit han hukbo han katawhan ha Davao del Norte, Compostela Valley ngan Agusan del Sur.

AB

Ukoy-pasada ha Bicol, madinaugon

HA LUYO HAN pan-gigipit han rehimen, madinaugon nga nailansar han mga tsuper ha Albay ngan Camarines Sur an ira ukoy-pasada hadton Nobyembre 25-26. Iginkasa an welga komo pag-ato ha iskema nga "modernisasyon han dyip" nga mapatay ha panginabuhi han mga opereytor, drayber ngan mga trabahador ha industriya han dyip.

Ha syahan nga adlaw, igindeklara han Condor-PISTON nga 97% han dyip ha Albay an nagpartisipar ha welga samtang 85% naman ha Camarines Sur. Nakigusa liwat an mga drayber han traysikel ha protesta. Samtang, 90% naman han mga tsuper an pumartisipar ha ikaduha ka adlaw. Ha plano nga pugngan an welga, gin-gipit han Land Transportation Franchising and Regulatory Board an Sorsogon Transport Federation nga magpaliwanag ha korte hiunong ha pagpartisipar nira ha ukoy-pasada hadton Septyembre. Ha Catanduanes, ginkadto han mga ahente han militar an tagapangulo han Federation of Virac Tricycle Operators and Drivers Association agud imbistigahon kun hin-o ha ira grupo an kaapi han PISTON.

AB

Resolusyon kontra ha pribatisasyon han patubig

NAGSALAWAD AN BAYAN Muna hin resolusyon para ha dagmit nga pagrepaso ha mga konsesyon han pribatisasyon nga ginsakob han Metropolitan Waterworks Sewerage System (MWSS) ngan han Manila Water ngan Maynilad.

Kasunod ini han iginpagawas nga desisyon han Singaporean Tribunal hadton Nobyembre nga pumabor ha Manila Water ngan ginpapabayad an reaksyunaryo nga estado hin P7.83 bilyon kasumpay

han mga paghitaas han sukot ha patubig nga diri gintutugutan han MWSS tikang pa dida han 2015.

Sigon kan Rep. Ferdinand Gaité, kinahanglan na nga imbistigahan an

"Tubig...", *sundan ha paypay 8*

Buhian hi Ka Diego Padilla!

Hugot nga ginkundenar han rebolusyunaryo nga kagiusan an iligal nga pag-aresto kan Jaime Padilla (Ka Diego), tagapagyakan han Bagong Hukbong Bayan (BHB)-Southern Tagalog. Hi Ka Diego, 72, gindakop hadton Nobyembre 25 samtang nagpapatambal ha Cardinal Santos Medical Center ha San Juan City. Iginpapailarum hiya ha seryoso nga pagtatambal han mga doktor tungod ha sakit ha kasingkasing.

Igin-insister han Partido Komunista ng Pilipinas (PKP) nga dagmit nga buhian hi Ka Diego ngan ibasura an mga hinimuhimo nga kaso kontra ha iya. Ginkundenar liwat han PKP an pagdiri kan Ka Diego nga makaestorya han iya mga abogado. Sering hini nga talapas ha Joint Agreement on Safety and Immunity Guarantees an pagdakop kan Ka Diego nga usa ha mga konsultant han NDFP.

Ginkundenar naman han mga kaurupdan ngan abugado ni Ka Diego an sikreto nga pagbalhin ha iya detensyon tikang Camp Crame ha Quezon City ngadto ha San Jose Municipal Jail, Occidental Mindoro hadton Nobyembre 27. Haros 24 oras nga waray igpahibaro han AFP ngan PNP an iya kinamumutangan.

Ha Rizal, tulo nga kaapi han BHB an ginpatay ha gintig-ob nga pwersa han 80th IB ngan PNP-Region IV-A hadton Disyembre 5, ala una han kaagahon. Han pamatayon, nakaturug an tulo nga kasama ha ira gin-uukyan nga balay ha Sierra Vista Subdivision, Barangay Cupang, Antipolo City. Namartir ha insidente hi Ermin Bellen, nga kilala han mga kasama ngan masa komo Ka Romano. Namatay gihapon an mga kasama nga hira Jose Villahermosa ngan Lucio Simburoto.

Antes an panhitabo, pira ka adlaw na nga libang an mga kasama ha pagresolbar han problema nga iginsalawad han masa ha lugar. Agud pagawson nga engkwentro an nahitabo, nagtanom hin pusil ngan granada an mga sundalo ngan pulis

ha nahitabuan han krimen.

Ginpasidunggan han Komite han Rehiyon han PKP ha Southern Tagalog an tulo nga kasama nga nagbuhis han ira kinabuhi ha pag-serbe ha katawhan.

Nagserbe hi Ka Romano ha rebolusyunaryo nga kagiusan ha sakob hin 36 katuig. Antes mamatay, kaapi hiya han Komite nga Tagapagpatuman han nasering nga Komite han Rehiyon. Tumindog gihapon hiya nga sekretaryo han Komite han Subrehiyon han Partido nga naglulupgop ha mga prubinsya han Rizal-Quezon ngan Laguna han nakalabay nga tuig. Ha iya pamumuno, dirudiretso nga sumulong an rebolusyunaryo nga pwersa ha subrehiyon pinaagi han pakig-away ngan pagpakyas ha mga operasyon militar.

Naeleher gihapon hi Ka Romano komo *non-attending* nga delegado ha Ikaduha nga Kongreso han PKP hadton 2016.

AB

Pagbalhin ha mga priso pulitikal, ginkundenar

Nababaraka an mga kaurupdan ngan tagsuporta han mga priso pulitikal ha posible nga pagbabalhin ha ira mga kaurupdan ha mga lokal nga prisuhan.

Kaupod ha mga plano nga ibalhin an mga napriso ha Camp Bagong Diwa ha Taguig City nga hira Frank Fernandez ngan Cleofe Lagtapon, Adelberto Silva, Oliver Rosales, Edisel Legaspi, Ereneo Atadero, Julio Lusania ngan Maximo Reduta.

Hadton Disyembre 4, ginkwestyon han grupo nga Kapatid an plano nga pagbalhin han mga priso pulitikal ha higrayo nga prisuhan kun diin nakasalawad an ira mga kaso. Sigon ha mga kaurupdan, an sugad nga plano mas nga magpapakuri agud bisitahon an mga priso pulitikal, nga ha tinikangan iligal na an detensyon. Dugang pa, ibubutang hini ha mas grabe nga kundisyon an mga detenido.

Ha dayalogo hiton mismo nga adlaw, gin-amin han upisyal han Bureau of Jail Management and Penology nga an kamanduan tikang kan Sec. Delfin Lorenzana han Department of National Defense basar

kuno ha Executive Order 70.

Kasumpay hini, nagpahayag han pakig-usa an Partido Komunista ng Pilipinas ha ngatanan nga priso pulitikal ngan ira mga kaurupdan ngan tagsuporta ha bug-os nga nasud. Kadungan ini han ika-14 katuig han Pankalibutan nga Adlaw han Pakighiusa ha mga Priso Pulitikal ngan Priso han Gerra.

Ginsaludaran han Partido an mga detinido nga padayon nga nagios ngan nagpapasulong han panawagan para ha tinuod nga katalwasan ngan demokrasya. Nananawagan gihapon an Partido ha ngatanan nga demokratiko nga pwersa nga hatagan suporta ngan padig-unon an pakigbisog han mga priso pulitikal para ha katalwasan agud direkta nga makapartisipar ha pakig-away.

Mayda na diri mamenos ha 629 nga priso pulitikal ha bug-os nga nasud. Hini nga ihap, 382 an gin-a-

resto ilarum han rehimen US-Duterte.

AB

"Tubig..." tikang ha paypay 7

mga konsesyon ngan amyendahan kun diri man ibasura, ini subay ha interes han mga konsyumer." An lanat la hini nga mga kompaniya amo an tubo, sanglit an panawagan naton ignasyunalisa an mga serbisyo nga patubig," sering ni Gaité. Igin-insister niya nga kinahanglan nga undangon an pribatisasyon han MWSS ngan ibalik ha kontrol han estado an serbisyo nga patubig, ngan tagan ini hin sadang nga prayoridad.

Ha usa nga pangaliskay, nahibaruan nga iginpapasa hini nga mga kompaniya diri la an ira buhis kundi lakip liwat an mga gastos han ira kompaniya para ha operasyon, mga paisan-isanay, bakasyon ngan damo pa nga iba, ha mga konsyumer pinaagi han dugang nga sukot ha patubig.

AB